



一廣說一
 初徵起
 二正明三
 初明恩重相二
 初別約悲母二
 初養赤子三
 初標

父母恩重經鈔卷下

薩州沙門榮次述

父母之恩云何可報

云何者如
 已注之

至於行來東西隣里井竈確磨木
 時還家我兒家中啼哭憶我

孟蘭盆疏云問詳此經文淺朴
偏誠貧賤之流何也答君子自
孝故偏誠小人又君子有簞瓢
之貧何妨確磨等事偏叙艱勤
之語始彰鞠養之勞耳新記云
淺朴二字宜乎刪之由是佛言
深所不便又云至於下乃至後
段莫復過是來並彰愛重此叙
寒賤之家為人備作故云井竈
等隣里者玄應云周禮五家為
隣五隣為里謂二十五家也里
居釋名云五隣為里方居一里

之中也井竈者謂汲水燒火也
確磨者剋文可知不時者新記
云不時謂不及時啼
哭者字書哭聲繁也

母即心驚兩乳流出即知我兒家

中憶我即走還家

孟蘭盆疏細注云反加嚙指心
痛新記云注中即曾子出外人
傳曾參殺入母嚙指念之參即
心痛此即母感於子經中子感

二釋二

初叙還由

於母故云反如通今記云兩乳
流出者如宋書朱循之守滑臺
為虜累日糧盡外援不至遂陷
沒初母聞循之被圍常悲憂一
旦乳汁驚出母號慟告家人以
我年老非復有乳今如此兒必
沒矣後問至循之果此日城
陷斯蓋天性感召事實然也

二明相見

初子見母

其兒遙見母來或在闌車搖頭弄
腦或復曳腹隨行嗚呼向母

搖頭弄腦者約未匍之予也或
復下如文可知新記云曳腹俗
謂匍匐

二母見字

母為其子曲身下就長舒兩手拂
拭塵土嗚和其口開懷出乳與之
又云嗚和即口相接
涅槃經作嗚啞也

二結

母見兒歡兒見母喜一情恩悲親

愛慈重莫復過此

孟蘭盆疏所引文作二情相交
恩愛慈重莫復過是私云彼疏
所引取意文
也下皆准此

二歲三歲弄意始行於其食時非

母不知

論語曰子生三年然
後免於父母之懷

一及三歲

一初約父母

一初養幼少

一初叙恩深

二顯予試

二初顯今相

父母行來值化座席或得餅肉不

敢噉食懷挾將歸歸向與字

文顯而易解也心地

觀經文如下引之

十還九得恒常歡喜一過不得嬌

啼伴哭

字畫嬌及伴字並訓詐也
或本作嬌并伴者非也

二示後行

矯子不孝亦五擿孝子不矯必有

慈順

新記云孝經云五刑之屬三千而罪莫大於不孝言在五刑之外五擿以五車繫五體縱橫裂之二十國春秋云池湯用妻言將母於山中殺之秦主聞念以五車殺之

遂至長大朋友相隨梳頭摩髻

二育長大子三

初梳頭髻

梳頭摩髻者字書梳髻髮也髻束髮也

欲得好衣覆蓋身體弊衣故破父

母自著若好錦絹帛先與其子

孟蘭盆疏所引文作欲得好衣覆蓋其身弊衣故破父母自著新好絲帛先與其子心地觀經云母得上味皆與其子珍妙衣服亦復如是

一與好衣

二思遠遊

至於行來官私急疾傾心南北逆

子東西橫簪頭上

十思文云九者遠行憶念恩新
記云至於等者謂行往出外忽
有公私急疾之事論語曰父母
在不遠遊遊必有方釋名曰簪
旒也以旒連冠於髮也孫伯
曰男子以固冠婦人為首飾

既索妻婦娶他子女父母轉疎私

二顯背逆一

初想標二

初叙逆出

房之中共相語樂

孟蘭盆疏所引文作既與索婦
得他女子父母轉疎私房屋室
共妻語樂新記云既與下明悖
逆禮記曰士曰婦人庶人曰妻

父母年高氣力衰微終朝至暮不

來借問

孟蘭盆疏所引文作父母年高
氣力衰老終朝至暮不來借問

二明逆相

二別釋二

初父母恨字二

初明鰥寡

父母年高氣力衰微者下文云
年老力衰是也終朝等者明不
孝相也禮記曰凡為人子之
禮冬溫而夏清昏定而晨省

或復父孤母寡獨守空房猶如客

人寄止佗舍

新記云父孤無妻母寡無夫
子曰老而無妻曰鰥老而無夫
曰寡老而無子曰獨幼而無父
曰孤私云今云父孤者父子互

一顯飢羸

也

常無恩愛復無臥被單寒辛苦飢

羸之甚

孟蘭盆疏所引文作常無恩愛
或無襦被寒凍苦辛厄難遭之
太甚新記云或無襦下傳文脫
誤正本云單寒辛苦飢羸之甚

年老力衰多饑饉夙夜不臥長

三長字

吟嘆息何罪宿慙生此不孝之子

孟蘭盆疏所引文作年老色衰多饒蚤虱云云年老者禮記曰七十曰老畿虱者字書畿名虱子也夙夜者新記云夙早也吟者申氣之聲也宿者昔也慙者過也

或時喚呼瞋目驚怒婦兒罵詈

頭含笑妻復不孝子復五擿夫婦

上天婦作逆
初標

和合同作五逆

罵詈者字書惡言迫也五擿者如已注之五逆者謂殺父殺母殺阿羅漢出佛身血破和合僧也大乘義章云此之五種經名為逆亦名無間何故此五偏名為逆以其背恩違福田故殺父殺母背恩田故逆餘三違於福田故逆新記云大乘更加殺和尚闍梨名為七逆

二釋二

初于聖親

彼時喚呼急疾取使十喚九違盡
不從順罵詈瞋恚不知早死強在
地上

孟蘭盆疏所引文作或復呼喚
急速走使十度九違不相從順
罵詈瞋毒新記云急速走使謂
父母有急切之事欲使其子十
度經作十喚毒字
寫錯經作瞋恚

二親根字

父母聞之悲哭懊惱流淚雙下啼
哭目暗汝幼少時非吾不長但吾
生汝不如本無

懊惱者字書懊悔也目暗者暗
或作瞋非也幼少者幼或作初
非也

佛告阿難若善男子善女人能為

三明報恩法一
初明行相

父母受持讀誦書寫父母恩重大
乘摩訶般若波羅蜜經一句一偈
一經其耳者

阿難者慈惠云阿難陀此云慶
喜但言阿難翻為歡喜亦訛也
世尊成道內外咸慶當喜時生
故名慶喜善男子善女人者通
名四眾也宗密云善男子善女
人者束而言之新記云彼經又

云善男女能為父母受持此大
乘摩訶般若一句一偈經其耳
目五逆重罪悉得消滅二經同
類而彼明標大乘決無疑矣通
別名義如題下注之梵云摩訶
衍此云大乘也摩訶者此云大
也般若者此云智慧也波羅蜜
者此云到彼岸也智度論云般
若波羅蜜有二種一其不共
言共者謂此摩訶衍經及餘方
等經與聲聞共說故不共者如
不思議經不與聲聞共說故一

句一偈者天台云一句一偈者聞法極少也宗密云言偈者梵語伽陀此翻為頌即四句為頌言一四句者取其家少不過一四句也

二顯得益一

初滅罪

所有五逆重罪悉得消滅永盡無餘

十恩文云一生所有十惡五逆無間重罪並得消滅

一生善

當得見佛聞法速得解脫

良責云佛謂覺者能開發故法謂教等生正解故僧謂和合三乘賢聖良福田故初因二寶發無上心至究竟位常現前故天台云解脫即是涅槃慈恩云解謂離縛脫謂自在

二重頌一

初頌通明文

以得讚曰哀哀父母生我劬勞欲報之恩昊天難報

傷者如已注之長行與傷者約
 根利鈍等也詳如十住論矣讚
 者天台云發言稱美名讚歎哀
 哀等者此頌上佛言人生等文
 也但譯語用詩辭也詩有六章
 孟蘭盆疏云周幽王好征伐今
 民人勞苦孝子不得終養耳今
 據兩章也第一章曰蓼蓼者莪
 匪莪伊蒿哀哀父母生我劬勞
 新記云蓼蓼長大貌莪字書云
 草名似斜蒿匪非也伊是也莪
 已長大視之反謂之蒿喻憂思
 心不精別其物哀哀者恨不得
 終養報其苦第四章曰父兮生我
 母兮鞠我拊我蓄我長我育我

一頌別明文一

初頌略說一

初產生恩

顧我復我出入腹我欲報之德
昊天罔極又云父生我者本其
 畜藏也長謂長大育
 謂覆育顧回視也復
 反覆也腹懷抱也
 之猶是罔無也

懷胎十月迅速不停月滿時臨業
 風催促當生之日遍體酸疼骨節
 分離千支俱解中心悶絕死活未
 分忽爾身已由兒害母父母恩重

昊天難報

此頌上是以寄託等文也諸經要集云在母腹中隨其本行自然風起宿行善者便有香風可其身意柔軟無瑕正其骨節令其端正莫不愛敬本行惡者則起惡風令身不安不可心意吹其骨節令瘦斜曲便不端正亦不能勇人所不喜心地觀經云若正誕其胎藏子如攢鋒刃解肢節迷惑東西不能辨徧身疼

痛無所堪或因此難而命終六親眷屬咸悲惱如是衆苦皆由子憂悲痛切非口宜

一養育

嬰兒幼少未辨東西屎尿淋羅腥膻臭處汚兒穢汚浣洗膿流故被破羶恒持眠臥敷灰掩濕乾處眠兒猶恐子寒愛情不絕提攜長大

喻若明珠慈母怜兒不辭勞倦小
大身患父母心酸子痛聲悲母身
永代父母恩重昊天難報

此頌上生隨草上等文也嬰兒
幼少者妙樂云嬰頸飾也蒼頡
篇云男曰兒女曰嬰今言嬰者
通男女也故釋名云人之初生
曰嬰兒者胷前曰嬰接之嬰前
乳養之故曰嬰也屎尿淋羅者

逆吹配屎尿字也字書淋灑水
也新記云羅謂包羅腥臊臭處
者字書腥或作臊也玄應云腥
臊臭也通俗文魚曰腥蝦曰臊
浣洗膿流者十恩文云洗濯不
淨恩提攜者字書攜猶提也明
珠者喻尊重義也小大身患等
者十恩文云究竟憐愍恩澄觀
云曾無一念自為於已猶如
慈母但令子樂自殺不辭

當生之日母盛華顏養子三形

一頌廣說二
初叙恩深

容憔悴未知乳哺難可思議

此頌上至於行來等文也母盛華顏者詩曰顏如舜華養子二三
三者約年之數也形容憔悴者
文選曰顏色憔悴形容枯槁難
可思議者示
心言不及也

長大成人抗聲怒氣父言不受母

語含瞋娉得妻房乖違兄弟憎嫌

顯淨道

姊妹喻若他人婦族來過昇堂入

室衆生顛倒疎者皆親兄弟姊妹

猶如陌路父母恩重昊天難報

此頌上既索妻婦等文五蘭盆疏云評曰細思其事誠哉是言或有母不如此兒不如彼者百中之一也良由衆生無始無明迷真執妄既根本顛倒故枝末一一皆然禍哉凡愚云何可度

新記云初歎事實母不愛子兒
不悖逆百中之一言其少也良
下推所以妄起無端故云無始
惛然不覺故曰無明不達自心
常住寂滅故曰迷真反認四大
六情為己身心計我我所故云
執妄上一句明惑故云根本從
惑起業故云枝末且約上經於
親反疎於疎却親等非唯背親
一切顛倒故云一皆然末後
二句傷其癡暗教所不被禮記
注曰妻居室中故呼妻為室字

二明孝養相

初廣指孝子

書室房也論語曰由也升堂矣
未入室也禮記曰惡惡如巷陌

佛言汝等大眾聽說孝養慈孝之

子非但是男非論是女亦有出家

之子

孝養等者如上解之孟蘭盆疏
云孝子者通語末代報親之人

若有時新耳菓將歸供養爺孃父

二略示孝養

初供新菓

母見菓恒常歡喜虔心奉佛廻施

三寶然始欲喫啓告天知

若有時新耳煎等者如吳志陸績生年六歲作賓客懷橘而歸遺母等矣供養者慈恩云供進也養資也爺孃者字書名父母也歸佛者別歸也廻施三寶者總廻也三寶又名三尊也通令起云三尊即目佛法僧寶世所仰重故名爲尊啓告天知者示

其正也天知者約四知之一也罵意經云人所作善惡有四神知之者地神知之者天神知之者三者旁人知之者自意知之後漢書明楊震四知曰天知神知我知子知

父母忽有染病親自看視不委太

小下賤不離床邊

孟蘭盆疏云病則致其憂者儒中如文帝先嘗湯藥武王不脫

二看病疾四

初顯待養

二勸粥飯

衣冠釋中如太子以肉為藥高僧以身而擔

勸母粥飯母見兒勸強喫粥飯兒

心歡悅

僧祇律說粥十利云色力壽樂辭清辨宿食風除飢渴消是名良藥佛所說本草綱目曰粥氣味甘溫平無毒

二進良藥

母暫得睡聽其喘息廣問良醫應

病贖藥父母恩重常懷報効之心

慧琳云喘息川衮反案喘亦出人息也廣雅喘猶轉也說文疾也

四示祈願

日夜常誦大乘願我慈親病得痊

愈父母恩重昊天難報

大乘者別名此經也如上文矣

○三流通分二

初明此經相二

初問二

初叙儀

阿難從座而起偏袒右肩長跪合

掌

從座而起等者天台云起者禮云請益起請業起菩薩於佛倫其二儀故言起也又云偏袒右肩者外國以袒為敬露右肩者示執奉為便表弟子事師充役之儀是故以袒為恭也慈恩云長跪者雙膝著地直身而住敬相周故表修定慧恒無間故合

掌者虔恭貞表心冥境證智念理故

前白佛言世尊此經當何名之云

何奉持

嘉祥云去佛座遠今起近佛前故云前白宗密云世尊第十號也具上九號為世所尊孟蘭盆疏云智度論云信力故受念力故持今云奉者即受之義

正問

二卷二

初顯名字

佛告阿難此經名父母恩重經

父母恩重經者舉別名

二示通号也如題下注之

二示奉持二

初明行相

若有一切衆生能爲父母作福造

經燒香請佛禮拜供養二寶盛鉢

飯食供養衆僧

五蓋蘭盆疏云梵云鉢多羅此

云應器今時但云鉢者略也

一顯得益

二顯彼衆益二

初發心

當知是人能報父母之恩

帝釋梵王諸天人民一切集會聞

經歡喜發菩提心

良賁云梵謂梵王通四禪也釋

謂帝釋切利主也舉此攝餘諸

天處也此二自在勝故標也新

記云帝釋下示聽衆得益文中

發菩提心可例今經非人天明

與大乘義章云發菩提心者菩

提胡語此翻爲道果德圓通故
曰菩提於大菩提起意趣求名
發菩提心

啼哭動地淚下如雨五體投地頂

禮佛足歡喜奉行

啼哭等者孟蘭盆疏所引文作
號哭孟蘭盆經云孝順聲動天
地涅槃經云淚下如雨詩曰泣
涕如雨五骸等者具約能所禮

奉行

也妙樂云准地持阿舍皆以雙
膝雙肘及頭至地名五體投地
宗密云以已最尊之頂禮佛最
卑之足敬之至也歡喜奉行者
又云文殊所問經說有二種義
歡喜奉行一者說者清淨不爲
取著名利所染故二者所說清
淨以如實知法體故三者得果
清淨即說益也亦陳事既周時
衆獲益聞法者積善於胸懷受
導者奉言以行學即各
稟教習學流通未聞也

○十恩文一

初正明恩一

初標數

父母恩德有其十種

十恩文在二經外者例如錫杖經更說持錫杖法矣

二微釋

何等為十一者懷擔守護恩二者
臨產受苦恩三者生子忘憂恩四
者嘔苦吐乳恩五者迴乾就濕恩
六者乳哺養育恩七者洗濯不淨

恩八者為造惡業恩九者遠行憶

念恩十者究竟憐愍恩

十恩文義顯而易解但為造惡業恩者心地觀經云世人為子造諸罪墮在二三塗長受苦

父母既有此十種深恩云何報答

依上經文是阿難問也詳而可知

二無顯報二

初問

佛言但專心持念父母恩重經即
為報父母恩一生所有十惡五逆
無間重罪並得消滅

十惡者謂殺生等也如常可知
五逆無間者新記云觀佛三昧
經說犯逆為阿鼻因阿鼻此翻
無間涅槃云間無暫樂故云無
間又一人獨隨此獄
身徧獄中間無空處

真言曰

南無密栗帝多婆曳娑婆訶

檢古本並有此真言
即是報恩神咒也

父母恩重經鈔卷下 畢

延寶三^{乙卯}年中冬吉且

中野小丸衛門板行

